

徐  
文  
長  
佚  
草

徐文長佚草

卷三

七言絕句

贈阜民公子二首

并序

賦得南岑篇贈弢

杏花醉歸圖

雨雪十首之三

寫竹石寄徐濟之

霞村齋贈朱君

黃頭烏桃花畫少保公索賦

水仙花

荅張迴溪惠舍桃樹

鴈竹送吳大夫北上

題莊子觀泉圖

題王質爛柯圖二首

題牡丹錦雞畫送馬先生

禹門篇贈硯子

題王元章倒枝梅畫

小萊篇為龔生

挽陳母

題大乘庵壁

題玉臺山人畫鯉

題蕉石牡丹

題葡萄

題竹叢牡丹

畫梅

蘭

秋葵

玉簪

萱花

秋海棠

杏花竹石

牡丹

設色牡丹

荷

塞上曲四首

牡丹

竹

題鳳凰圖

石榴

贈某

牡丹

葡萄

竹

為陳生畫梅題贈某

瓜豔 有引

陸長公燦寄餅餌賦答

午時花

秋海棠

長卷發墨作雲氣僅現龍首醉題

芭蕉梅花

蘭菊

畫挿瓶梅

題前畫贈朱東武

題畫

秋海棠

題戴文進春鳥圖

題蘭竹贈余使君

放鳶圖

又圖二首

雪中梅竹粉團

日本刀歌除夜奉贈彭山老師四首

敗荷



秋葵

蛙

漁翁罷釣圖

失題

題畫

題竹牡丹

牡丹

題兩蟹鉏盧圖

壽某將軍之父

雪蕉

蕉

題竹贈人

牡丹怨蝶

蝶谷

蝶再谷

芙蓉

菊

長短雜體

無題

題幀

題自畫山水

忠孝廉節四歌

四時讀書樂

七言絕

贈阜民公子 并序

往阜民先公知山陰彈琴而治高張綺羅文士雲  
興于其後也渭亦在焉庚子之秋公掛冠次年即  
仙去近阜民郎君重遊武林計別已十年憶在前  
年特一見於蕭汝行之宅而已感事懷舊因贈二  
絕

使君為宰好丰神文士如雲我亦親公子重來渾不覺傷  
心偏是受知人

其二

別後愁腸日九迴十年春信總看梅  
今宵共宿吳山館從  
是前年一見來

賦得南岑篇贈弭

君住南山第幾岑世人那得遠相尋  
惟餘山下生文豹同  
在冥冥霧雨溪

杏花醉歸圖

醉顏微映御袍新杏花歸來滿路春  
最上一枝君得否他  
年還有看花人

兩雪十首之三

和韻奉酬季長沙公

粵人驚雪已茫茫  
况復文身無蓋藏  
寄語將軍好乘夜  
朝來試看積屍僵

時倭夷內寇城隍戒嚴

寫竹石寄徐濟之

去年送君冬雪花  
今年新萌已成竹  
寄語揚州隨宦人  
朱顏那得長如玉

霞村篇贈朱君

朱君家住霞村下  
不是尋常積緡者  
遺我沉香七寶鞭  
與君花下同騎馬

黃頭鳥桃花盡少保公索賦

桃花枝上息金衣何處雄禽賭勝歸  
莫道畫工無意思分明一段寫知幾

水仙花

素蘊渾疑白玉珥檀心又似紫金環  
著教我向瑤池上正好添粧女道冠

答張廻溪惠舍桃樹

結子自應明夜玉試花且可集春禽  
小園風景何緣得分向故人裴氏林  
幽怪錄裴謏園中有櫻桃樹

寫竹送吳大夫北上 環洲

大夫高軒促去輪麻衣纔換錦衣新  
寒齋檢點無他贈筆灑江南數筆春

題莊子觀泉圖

飛泉洒落自山阿觀者心如波  
不波為浪為濤一任爾莫翻舟楫向江河

題王質爛柯圖

斧橫柯爛下山時不見諸孫况見兒  
數百年間興廢事仙家都付一枰碁



其二

仙凡那有兩般時造化迷入一小兒十二萬年成底事乾坤等是數敲碁

題牡丹錦雞畫送馬先生

鄭虔玄宗題其字畫詩為三絕而先生兼之

吾師三絕擬鄭郎題署應傳御筆芳好似仙雞春日下噴  
將綬錦壓花王

禹門篇贈倪子

爾舅與我同明經從來似舅即賢甥春風急峽桃花水者  
取魚龍天上行

題王元章倒枝梅畫

筆端倒寫一枝清  
苦雪妻霜積不成  
似解低頭能免禍  
梅花也作世人情

小菜篇為龔生

天上雲裁五色衣  
翻將庭畔奉春暉  
看君玉面嬌如此  
未是菜年老去稀

挽陳母

昔在吳山典幕文  
久知母鳳有芳芬  
今朝飛向青天去  
獨對孤雛哭白雲

題大乘庵壁

萬曆戊寅正月三日過此感而賦詩與陳守經馮叔系偕

童時畫壁剝成泥  
圓澤投胎錦水西  
一念忽穿三十載  
竹梢寒雨覆窓低

題玉臺山人畫鯉

有角

寸角雙犀六六鱗  
總令未化自成神  
滄波碧海寬如許  
莫起人間得失嗔

題蕉石牡丹

畫已浮白者五醉矣狂歌竹枝一闋贅書其左

牡丹雪裏開親見芭蕉雪裏王維擅霜兔毫尖一小兒憑

渠擺撥春風面

嘗親見雪中牡丹者杜審言吾為造物小兒所苦

題葡萄

西來一掛墨葡萄要換重陽五色糕寄語潮神小公子莫

嘲此老亦兒曹

題竹叢牡丹畫

醉餘洒墨暮窓涼竹上花枝豔洛陽共指蕭娘騎鳳去翠  
裙拖出尾偏長

題畫梅

曾聞餓倒王元章  
米換梅花照綃量  
花手雖低貧過爾  
綃量今到老文長

蘭

蘭亭舊種越王蘭  
碧浪紅香天下傳  
近日埜香成秉束  
一籃不值五文錢

秋葵

丹墨毫釐有是非  
莫因草木便輕微  
中間一寸靈砂紫  
隨着金烏到處飛

玉簪

春雨瀟瀟三月暮  
花飛柳綻無可看  
憑欄試掃簪頭玉  
不覺嬌生湖石寒

萱花

庭前自種忘憂草  
真覺憂來咲輒緣  
今日貌儂歡喜相  
煩儂陪我一嫣然

秋海棠

昨圖鐵幹與木瓜  
不盡餘煙染墨霞  
都賞垂絲春酒盡  
誰知秋有海棠花

杏花竹石

太湖五尺石頭新勾勒寒梢已逼真杏花雖是無情物遮却腰間怕見人

牡丹

何用臙脂作牡丹萬花浸影色香潛畫能取影纔神奪問取仙人白玉簪

設色牡丹

飛來山下住烟霞索我狂揮挂在家不為濃心時有淚開塗艷色出枯槎

荷

拂香風滿鏡湖採蓮人唱月明孤空餘一隻徐熙手閒  
向西牕作畫圖

塞上曲

倦谷女甥事外六首已載入邊詞

女郎妙麗復英姿  
殺幽州游俠兒  
爭辨長銷纓粉面  
馮將一戰作紅絲

其二

霜被雪打更沙塵  
偏有腮花惱殺人  
一隊流星追苑子  
風塵黎陣覺青春



其三

三娘既已負雄材  
何不外孫馬上孩  
為取葡萄隨意醉  
免教蝦艾怨梯來

其四

盡道為鱸難離泥  
豈無禽鳥不雙栖  
檣頭鎮日胡天鴈  
曾見嬌鶯作雪飛

牡丹

洛陽園裏貴胭脂  
天下耕人半歇犁  
我貌此花誰解賞  
牯牛脚鼻黑如犀

竹

紅蘅碧芷睡鳬灣  
波襪輕羅晚耐寒  
一畧行雲無捉處  
令人愁畫牡丹難

題鳳凰圖

鳳皇一魄真天樂  
梧桐高樹秋風落  
今朝樓上客飛杯  
明年桂子金落錯

石榴

半陰半雨半晴天  
紅綻山榴肥更圓  
摘向金盤獻妃子  
咲者應比荔枝鮮

贈某

溪上主人清且賢  
支干甲子未週天  
青蛾綠髻龍南會  
記得初逢十五年

牡丹

頭巾一丈歪  
十尺莫道人生盡  
是呆茅屋半間無  
得住牡丹猶是起樓臺

葡萄

嵌寶粧金二八娥  
無人不嵌耳環窩  
董郎多少黃金在  
來買明珠一百顆

竹

數葉蒼林近不疎，一層新穉遠模糊。  
憑君捥殺瀟湘景，到底飛來無鷓鴣。

為陳生畫梅題贈集

紫金街畔有陳生，載酒箱茶萬里行。  
欲造玉堂深處客，龍鵠托我寫調羹。

瓜豔

午睡夢摘瓜豆覺，而作此不知其何咎也。區：近  
來弄墨忘止幾，于論瓜得玩記云：人皆曰予知，殆

謂此歟

半棄無春一爛槎  
酬詩應盡亂如麻  
分明記得坑儒事故  
向驪山濶論冰

陸長公燦寄餅餌賦答

粉松餡果蔗霜脰  
曾共而翁啖幾枚  
今日卽君重寄我可  
能無淚滴封開

午時花

花品將題感客懷  
年來倍更困塵埃  
誰知草木無情物  
不到時來也不開

秋海棠

海棠花本春園麗  
開向秋時別種奇  
賴得畫工加點綴  
競將顏色鬪垂絲

長卷發墨作雲氣  
僅現龍首醉題

殘酒研墨一馬斛  
黑雲露龍只雙角  
若使當筵不飲漿  
或可畫得身一尺

芭蕉梅花

凍爛芭蕉春一芽  
隔牆自笑老梅花  
世間好味誰兼得  
喫盡魚兒又揀蝦

葡萄

老夫餓則採薇芽  
醉寫蒲菹酒則賒  
咲殺兒童閒指點  
大宛藤喚作龍蛇

畫挿瓶梅

梅花詰屈始成古  
陶變端妍未盡神  
偶然筆精兩相值  
一弄乾坤傀儡春

題前畫贈朱東武

與逸稿所刻微異

朱伯再北倉卒檢舊繪以當餞觴故更題如此伯  
比來賞鑒頓精見之末句

慚無竹葉傾三斗  
聊取梅花搗一條  
却惜古瓶冰裂盡  
無人着眼認柴窑

題畫  
玉瓶插梅

四升三合茆柴酒  
換得玉瓶隣舍家  
莫道携歸無用處  
案頭也好插梅花

秋海棠

閒坐秋臯盡處飛  
霜天孤爾伴鷄衣  
少翁狂有彈塵物  
半向南山額上巍

題戴文進春鳥圖



櫻桃已過笋如蒿春鳥笙簧不解調坐久始知圖畫裏錢  
塘戴氏小翎毛

題蘭竹贈余使君

使君為宰好聲名惠郁蘭芳逸帝京梧掖柏臺隨處侍何  
風吹送向金陵

放鷓鴣圖

茜襖兒郎好大頭能持紙鷁上天游若堪保舉為丞相不  
數當年木馬流

又圖戲作同伴妬紅殢語

鵬飛處人既擬作郭司戶放鳶圖復漫歌此自命  
曰墨詠諧并謂爲圖亦謔也末句引俗語精解打  
響鐵卅相沿解作屁訛甚

今日清明放學堂一齊賒去好錫唐高低只把風箏賭若  
個輸時脫褲償

其二 紅袴兒卷

簾紅雖辦小衣裳若放風箏未必強脫去教誰遞下體止  
使響鐵打爺娘

雪中梅竹粉圍

姊妹清寒非世人好騎鸞鶴去朝真就中一暈嬌團粉不  
是遮藏白獺痕

日本刀歌除夜奉贈彭山老師

日本刀一謹以奉贈一以辟歲夜之邪一以兆新  
年之利自呂君陣中攘得者故靶敝而鞘改不揣  
拙陋敢先之以歌舊有贈呂君者亦附上請教

解刀贈翁咲予壯心不改鬚毛踈欲馮此物走百鬼與  
子今年坐歲除

其二

寶刃贈出壯士手誰作馮讎長劍看一目崩縱穿鏃後不  
曾持向孟嘗彈

其三

一函夷島鐵之精鞘靶疑人認不明若使他人也能認何  
須持贈老先生

其四

勸爾寶刀且莫歌鉛鐵爭差不待多縱使非鉛還是鐵知  
堪磨與不堪磨

敗荷

茨菰葉碧蓼花白菱子梢黃蓮子青最是秋深此時節西  
施照影立娉婷

秋葵

自嘆南冠定不移寫來無卉不離奇若教席上收晴觀好  
當哥窑徹口卮

蛙

兩蛙盛怒鬧春池羣吠同聲徹晚帟筭是一場狼藉去更  
無人與問公私

漁翁罷釣圖

萬里清江萬里天一村桑柘一村烟漁翁醉看無人喚過  
午醒來月滿船

失題

一篙春水半溪烟抱月懷中枕斗眠說與傍人渾不識英  
雄回首即神仙

題畫

小竹騰風不聽埋鳳翎片、墨華颺秦樓小婦今何在要  
去青天不去來

題竹牡丹

洛陽顏色太真都何用胭脂染白奴只倚淇園一公子琅玕隊裏出珊瑚

牡丹

薄茜輕鉛抹牡丹一尖嬌倚短闌干宛如插我膽瓶內經月胭脂未易乾

題西蟹鉗蘆圖

老夫畫蟹忒模糊畫得雙鉗鬬力粗自是宋家兄與弟競從殿上讓傳臚

壽某將軍之父

鹿峯道人

鹿峯夫人賢且清晚逢令子淮水濱座中却索詩為壽宛  
見長眉驚座人

雪蕉

芭蕉雪候爛成泥分綠紗窓影漸低我亦偶然閒點染怕  
教人與比王維

蕉

種蕉元愛綠依依誰解將蕉染墨池我却胸中無色相肯  
令信手便相欺

題竹贈人



寒月送君竹更宜小窓呵筆兩三枝布帆此去維揚岸無  
數龍蛇白白垂

牡丹戀蝶

三月廿三穀雨春廿四霜高一瓦銀牡丹哭向黃胡蝶天  
為憐誰累我們

蝶吞

三月下霜不美矣人間還要作祥猜莫輕我是禽虫話昨  
日我為莊子來

蝶再吞

天亦年來非舊時  
舊天尚自醉如泥  
從來兒大爺難管  
又道天師吃鬼迷

芙蓉

荒沼芙蓉寫一枝  
總令憔悴不勝姿  
文君賣酒成都日  
獨立驢頭無侍兒

菊

小几臨軒撲雨花  
偶然墜菊濕林鴉  
憑誰喚起陶居士  
又是登州蜃氣耶

三四五七言

無題

秋月白景何清眠不得下堦行

題辭

郭索郭索還用草縛何處橫行沙水夜落

題自畫山水

世上豈無人但寫空亭對碧岑我是畫人拙眉眼敢學輕  
薄倪雲林

忠孝廉節四歌 墨蹟效宋四大家

我歌忠君慎聽即物理明彝倫朝宗試看東流水殉節方  
成北面人秉軸固應看彼擔抱關豈只為吾貧此身願作  
堯堦草挺葉擎枝指佞臣

其二

我歌孝君勿蹈即物理彝倫昭黃廟不妨涼枕簟菜衣豈  
只戲兒曹乳烏解作生前哺泣鴿猶為死後歸此身願挿  
虞羅手續竹丸泥彈鏡梟

其三

我歌廉君審音何所似望中冰拋千鍾却即千鎰要一文

寧值一文楊震四知嚴覬夜阿衡一介凜耕莘此身願學  
吳郎也縱飮食泉試此心

其四

我敬節君豈聾何所似壑中松女若更夫寧謂烈臣如勁  
草豈愁風漢旄落盡歸因鴈蜀鼎分來卧是龍此身願學  
飡薇者控馬當車數太公

四時讀書樂

春讀書花滿座香風入研池催人了功課

其二

夏讀書起暑清蚊多莫燃火葉上有流螢

其三

秋讀書知時節落葉掃烹茶開門待明月

其四

冬讀書擁爐火紅日煖芸牕瓶梅插一朵

徐文長佚草

卷四

表

代進靈芝表

代三沙功賜銀幣謝表

代閩捷賜銀幣謝表

代奏捷賜銀幣謝表

代辭免加蔭表

代謝加蔭表

徐文長佚草

卷四目

息耕堂

擬進續稽古錄表

擬宋以范祖禹為諫議大夫兼侍講謝表

擬宋開天章閣引輔臣入對謝表

啟

代賀嚴閣老生日啟二首

代被論得溫旨謝閣老嚴公啟

代賀嚴閣老元旦啟

代賀李閣老考滿加廕啟

代三沙功受賞謝閣老啟三首



代受欽賞謝閣老啟三首

代賀閣老郊祀受賜啟三首

代賀部院郊祀受賜啟

代辭加廕謝閣老啟三首

代加廕謝閣老啟二首

代受欽賞謝閣老啟三首

代加封廕謝閣老啟三首

代受欽賞謝閣老啟三首

代闡功受賞謝閣老啟三首

代謝部院啟

代謝禮部啟

代受欽賞謝閣老啟二首

代受欽賞謝禮部啟二首

代賀兵部楊公啟

代賀少宰鄧公轉大宗伯啟

代賀銓部茅公啟

代賀少宗伯袁公啟

代賀學士嚴公啟

代賀學士董公啟

代賀大司空歐陽公加少保啟

代賀少司空嚴公加二品服啟

代賀侍講唐公啟

代賀嚴夫人生日啟

代賀嚴公子陞錦衣衛都指揮啟

代賀錦衣朱公啟

代妻祖潘公聘劉氏女啟

代錢氏答劉氏聘啟

表

進靈芝表 代

仰惟聖誕重逢嘉符疊見日當丁卯支干生旺于  
近黃鍾卽序重新于初復儼仙芝之上瑞茁福地以長春  
生挺千齡秀質合車輪之象獻當萬壽朱光映堯寶之珍  
寰宇騰歡臣民協慶臣身居海上遐瞻佳氣于蓬萊心遶  
日邊時見祥光于閭闔伏願天長地久綿寶籙于無疆物  
阜民熙固金甌于有永年年當此日共懸拱極之心處處  
頌吾皇常聽呼嵩之祝

代三沙功賜銀幣謝表

臣竊惟三沙之賊一鼓而俘衆其未登之時破其新至之銳以全取勝為功較奇此皆皇上之威德懋昭諸臣精心奉若之所致也臣所嘗調遣應援之兵分布戰守之策不過恭受已成之廟畧協濟彼中之指揮而已亦何有于絲髮之勞乃槩受夫金幣之賞函開署幕喜溢通衢臣敢不宣示三軍馳檄諸道勿自狃于常勝務益奮于垂成一方寧謐用紓東顧之憂四海謳歌共效南山之祝臣無任云云

代閩捷賜銀幣謝表

伏念臣職叨衛御事備責成一寇未殲尚愧全銷夫氛侵  
八閩後懾僅收薄效于桑榆方待罪而未遑又何功之可  
紀槩蒙旌賞遠及邊隅凜明旨之親裁欲辭不敢顧臣心  
之俯量祇受逾漸爰捧墜金戴承幣繒素心益奮誓同百  
鍊之鋼薄技畢抒擬效一絲之補伏願化臻鈞冶陶融盡  
萬品之繁治盛垂衣戴履綿億年之久

代奏捷賜銀幣謝表

恭惟皇上明德格天神武邁世立威遠播默徵海若之效  
靈勝美中等坐使島夷之奪氣臣等因之表帥奉以周旋  
甫及決旬遂收全捷長驅直擣偶成破竹之功邇本探源  
實仗舞干之格豈敢貪天功為一己之力冒上賞于衆人  
之先祇承金幣之輝煌實切淵冰之兢悚感深刻骨豈可  
名言受既逾涯實深祇懼臣敢不益加鍛鍊矢心誓精白  
以無虧愈效經綸忠悃與縷絲而俱積伏願化均洪治陶  
融盡百物之繁治邁垂衣戴履綿萬年之久

代辭免加蔭表

伏念臣本以庸劣拜伏下僚誤蒙皇上拔擢超致今職才  
薄位崇功微過積數年江海之上萬里孤危之踪向非聖  
明曲賜保全則臣之蝼蟻微生豈能復有今日自惟粉骨  
莫報洪恩臣之愧怍天實臨鑒曩者計擒巨逆本皆仰賴  
皇上聖德感通上玄默佑是以陰奪其魄偶爾假手於臣  
辟如追逐獸兔固必責諸犬馬至于發縱指示豈與犬馬  
之能即此明彼臣實無有一毫勞伐且海島浩渺醜夷匪



茹其在往昔撲剿甫停旄櫓復至今者春汛尚未過期戰  
守互籌寢食俱廢正在戒嚴之際方切憤事之憂而皇上  
誤錄舊勞特加新命超躋官保轉遷左階兼以子息亦蒙  
恩蔭臣聞命驚愕不知所為竊念臣子之於國家即有勞  
勩亦不過職分之常不足齒錄况於今者巨逆之獲實自  
聖德感通上玄所致臣若叨此隆恩非特貪冒天功招致  
尤戾抑恐無功受賞物議不平伏望皇上俯鑒愚臣慙懼  
至情真實不假亟賜收回成命容臣以原職供事勉圖報  
稱臣無任云云

代謝加廕表

伏念臣本以樗材誤蒙甄拔驟致通顯既湫濫竽之慚屢  
蹈顛隤曲荷天慈之軫曩者計擒巨逆恭仗玄威自惟追  
逐之微勞不堪齒錄首被駢蕃之盛典祇益驚慚恭陳辭  
遜之章弗獲允俞之命懼深汗浹感極涕零竊惟文官加  
官保之銜武職備禁衛之列皆朝廷之異數為臣子之至  
榮必有邁等之勛庸間或假之以彰懋賞歷觀今日之仕  
進庸此典者僅有幾人而臣父子之間熊魚兼得愧非喬  
梓之俯仰並竊華階爰稽今古之遭逢信為希遇且舊恩

優渥未能少敘夫涓埃新寵頻仍賽等洪私於天地職愈  
崇而責任愈備施益厚則圖報益難臣敢不彌傾葵藿之  
心向麗明而託照益殫犬馬之力奉指示以長驅自一身  
而及子孫永效周臣之奕世祝萬年而逾億兆願期光曆  
以同天

擬進續稽古錄表 代樓蔡胡公

伏以師法祖宗愆忘自免鑒觀古昔興替可知顧以載籍之繁邇自累朝而上博聞強記不勝口耳之勞摘句尋章何補帝王之學敢因臆見悉取舊編自有宋熙寧以來乃至我朝其廟擬臣光稽古之錄續為昭代成書上下餘四百年合并凡幾十卷校讐既慎鑒別惟精大體特存細故斯削將使千載之往迹惟于一覽而周知故於邪正忠諛進退之機以至治亂興亡始終之故畏天勤民之必有其道納諫求賢之無執其方視宋加詳燦列星之錯麗惜秦

為喻鑒覆轍於相尋遠則古治之可師近惟家法之當守  
有裨於政莫過此書恭惟皇上陛下德配昊天功侔造化  
始終與學聖不特其生知陟降在廷孝益隆于追遠敏而  
好學舍已從人顧臣薄技偶成獻雖同于芹曝前修難繼  
評則愧于桑麻且志不在詞用惟求實一經睿覽定悉微  
忠伏願特賜省觀事加考索既以資夫博識尤必見之躬  
行紙上微言皆為妙用篋中華帙匪飾虛文會道以精不  
妨讀古人之糟粕納流于細益以助滄海之洪深

擬宋以范祖禹為諫議大夫兼侍講謝表

元祐四年

官以諫而為職實彌縫匡救之司學必講而後明乃啟沃  
咨詢之助惟大人格君心而使正若宿儒備顧問以疏疑  
受任思危措躬無地臣中謝竊惟人君以聞過為賢故求  
諫于擊輶之示治政以明理為要斯求益于經筵之張然  
官匪其人言職或慙于未盡仕而未學至道或阻于難聞  
徒無實而有名欲得益而反損是以英君誼辟期于妙選  
慎登求剛正之士人以司耳目訪學術之宗主以助身心  
至如臣者才本凡流時遭泰運粗知守父師之教僅識詩

書自念避翁壻之嫌遠投閒散乃自著作之微職驟遷今  
秩之顯榮冠簪白筆望璫掖以周旋杖照青藜登天祿而  
讐校任誠艱大地且清嚴對仗宣文儼臺閣生風之處搖  
籤展軸冀冕旒傾聽之時而臣叨廁其中曷為自效茲蓋  
伏遇皇帝陛下道隆德盛治定功成上接太后之聖仁幾  
至建隆之化理任賢相而百廢具舉立美政而千古無前  
猶望補過于人輒欲明經于已而臣才雖不逮志則未捐  
敢言獨立聊同仗馬之嘶鳴侍從談經豈效蠹魚之徒蝕  
自昔先朝之盛无多賢哲之臣如光知諫院首上儲貳之

言若與侍講帟輒獻無逸之畫斯皆前輩之風烈實臣後  
進之師模自識愚蒙敢忘磨礪益敦忠鯁期有犯而無欺  
愈極躬研誓與日而俱進庶補闕於衮職冀迪德於宸衷  
伏願從諫如流開卷思益從人舍己無忘逆耳之言因聽  
致思勿事虛文之飾則過日寡而愈省理無微而不彰矣  
臣無任云云



擬宋開天章閣引輔臣入對謝表

對菲不遺聖主廣納賢之典薰蕕雜近微臣叨顧問之流  
開寶閣以招徠聆玉音之溫渥念茲殊寵實切深慚伏以  
入則陳謨臣子進愷忠之益坐而論道公孤極隆重之儀  
斯必碩德耆英已素孚于朝宇其或宏詞博學特久著于  
士林然後得塵侍從之班陪玉輿而奏技或在優崇之列  
侍金殿以承顏如臣者樗朽散材雕蟲小藝經綸無術孰  
知鼎鼐之調章句粗知未愜台衡之望方慚伴食深負求  
衣茲蓋伏遇皇帝陛下敏而好學舍已從人聖人不恃其

生知望道尚憂于未見如臣不肖亦與引延賢閣飛丹結  
構倚雲霄之上金鋪耀楮登臨傍日月之邊並石渠虎觀  
以增雄列金闕鰲宮而錯繡惟斯禁地真神聖之所居自  
揣平生諒夢寐之不到而臣囊魚懸佩衝珩拂屏障之塵  
正笏垂紳步履戀果愚之影恭聞咳唾隨風散珠玉于九  
天遐想都俞此日見丰儀于三代願臣惴慚學海見阻面  
牆隨大小而輒鳴深愧洪鐘之叩量短長以自較真同襪  
線之才雖終日而畢陳有負聖明之傾聽期他時之再召  
益殫愚臆以敷言伏願從諫如流好問則裕勿因臣之不

稱遂槩棄夫才賢雖使已之所知必益加夫諮訪則聖不自聖致人一已十之勤明以益明臻邁五登三之治矣

啟

代賀嚴閣老生日啟二首

性稟太和德超淳古託生茲嶽允為周室之禎受道崆峒  
素備軒皇之問其屬為下吏驟致上卿叨秉節旄遠鎮洲  
島仰仗帷中之筭兼優閭外之權是以撫剿隨宜縱擒互  
用自顧展施之易益知假借之寬恩德如斯覆幬莫比感  
激無已酬報為難茲以首春躬逢嘉誕耆夷列問久知君  
實之安賓客滿前親接令公之頷而其自拘職守遂遠趨  
承每當此日而企瞻愈感數年之遠越是用馳尺書于記

室托百拜于使人取東海而稱觴幸鯨鯨之效順向西湖  
而祝頌合魚鳥以同惟伏願順養性靈珍重道體垂名不  
朽豈徒歷中書二十四考之榮與日俱長還期翊社稷百  
千萬年之運用以承天休于未艾因之佐聖德于無疆則  
是相公之一身即為國家之元氣

又

歷事三朝有如一曰既躋八袞甫加二齡入相久則施澤  
自多積德深而受福無量比尚父鷹揚之日朝會清明正  
越裳雉貢之年海波偃息伏審華誕爰屬首春望台斗以

顧瞻感雲泥之遠越恭陳篚實小展賀私祝頌同聲自中  
華以及外裔喬松奚美仰聖主之得賢臣伏願頤養性真  
壽膺福履保茲天子共臻萬壽之期永陟公孤式慰百寮  
之望其為庇祐豈有津涯

代被論得溫旨謝閣老嚴公啟

賢如樂毅攻兩邑而不下者經年望似孟明歷三北而始  
成于後舉其自分下士不逮古人誤許馳驅妄自鞭策徒  
知竭力深苦無才人或期待過高是以責成太速致煩章  
疏宜就刀鋸仰荷聖恩姑容再試蓋緣雅論不欲屢更向

使帷幄之議少移則萑菲之言愈入君雖欲赦孰贊其成  
致茲假借之寬深感堅持之力誓將勉圖後効期以報答  
深知徒切下懷未卜何以

代賀嚴閣老元旦啟

元功初運福履駢臻一德之純熙贊三陽于盛長朝廷  
有道海宇同春某叨鎮外藩莫遂趨賀遙知莫英纔舒一  
葉于光階願祝耆頤永奉萬年之周曆

代賀李閣老考滿加廕啟

耆英碩彥夙稱師資懋烈豐功擬銘彝鼎茲值燮調之既

久運啟昇平况隸資望之益深德宜表率天心默佑帝眷  
彌加延賞及于鳳毛絲綸世掌兼職仍其餽廩任養俱隆  
四海聳聞萬古交美其在知愛益切忻愉敢上緘書用慶  
君臣之相悅侑以薄物畧宣朋舊之微悰

代三沙功受賞謝閣老啟三首

勞勩眇微錫予蕃庥相隔旬月再蒙聖恩是皆仰賴相公  
因事贊成隨機引進自惟保全愚昧本無間于始終是以  
紀錄勛庸遂過收夫疑似其敢不仰體盛德誓効微軀庶  
幾盡職于棨鼓之司用以報稱夫君相之遇

右嚴



又

聞吳兩捷僅成共濟之功金幣旆旌自愧因人而致顧慚  
祇受仰荷贊成感激之深名言莫喻

右徐

又

陪貳帝師主持廟畧是以建牙仗節之吏動有成功聞海  
吳江之間遙相馳捷兩申錫予槩及眇微猥當膺受之餘  
深荷贊襄之力

代受欽賞謝閣老啟三首

海徼奏功尚嫌垂翅廟堂論賞槩及建牙真顧影以自慚

欲陳辭而不敢竊茲榮寵深懷顛殞之虞勉效馳驅少報  
生成之德 右微

又

八閩奏捷僅贖前愆一槩馳旌誠為過望仰承推轂之德  
欲圖報以無由永懷結草之恩庶酬知而有待其為感激

莫可名言 右徐

又

頃者海邦之役廷鑒惟明凜待罪而至今眇何功之可紀  
槩加賞賚實感扶持因思涯分之逾奚啻金錢之愧緘書

肅上悚懼虛寧

代賀閣老郊祀受賜啟三首

恭惟相公閣下夙夜在公左右歛辟望百神而屏息同一  
敬以格天時和歲豐夏安夷懷與世造福為商作霖海膺  
加祿之榮竇慰敷天之望某夙蒙教誨旋辱拯援感激既  
深忻愉倍切謹宣菲貢莫罄賀私伏乞台慈俯垂鑒納  
嚴

又

久直殿廷駿奔裡祀君臣同德天人交孚致四海于平康

秉一心之精白榮膺加秩允懽羣工謹申不腆之儀用慶  
方隆之福職守所限瞻戀不勝右徐

又

協贊聖主昭格皇天東明德之惟馨致太平于有象陟階  
師傳聳聽華夷謹申不腆之儀用慶方隆之祉職守所限  
瞻戀不勝右李

代賀部院郊祀受賜啟

側聞躬修明德協贊聖君上格皇天天下福祿庶榮膺華秩  
允懽羣情謹申不腆之儀應諒倍常之喜職守所限躬賀

靡由

代辭加廕謝閣老啟三首

伏念曩者計獲巨寇本緣聖明在上其威德足以讐伏遠  
人相公居中其籌策足以決勝千里交孚協贊以收成功  
而其以碌庸愚纍然在外執將鼓以從事其間不過奉  
已成之廟筭所謂追逐猷兔僅鷄比于犬馬之勞而已驟  
被加廕之命實切悚慚恭惟相公通達國體化裁典章始  
焉叙其勞而階賞之以為常事之勸繼焉因其辭而贊成  
之以免曷受之嫌俱無不可謹因賁䟽之役恭上小啟欽

布下情伏惟恩德高深捐頒莫報以方在辭免之際未敢  
陳布謝私惟俯諒而曲成之其不勝感戀

右嚴

又

曩者俘獲巨逆實係相公惟幄運籌協贊聖謨所致其僅  
效奉行之役曾無分寸之勞而殊賞驟加甚駭觀聽伏惟  
相公德望隆盛主上倚毗予奪之間多所憑信其既伏聞  
新命竇切悚慚即已具疏乞免謹上小啟披布腹心仰望  
俯賜主持收回成命使得免冒受之嫌誠不勝感激伏惟  
恩德高厚莫可報稱以方切陳辭未敢稱謝干冒尊嚴悚

惕與已右徐

又

敷陳長策協贊聖謨遂使遠人嚮風逋酋授首其不過奉  
行成美少效追逐之勞而已驟被加廕之命竇切悚慚即  
已具疏乞免謹上小啟宣布下情仰冀俯賜主持收回成  
命使某得免冒受之罪其在朝廷亦無濫賞之嫌感激盛  
德當何如也伏惟積德高厚莫可報稱以方切陳辭未敢  
稱謝統惟台慈垂鑒右李

代加廕謝閣老啟二首

奏功微眇慚愧未皇錫典駢蕃孫辭弗獲茲竇賴我相公  
造就盛心歷終始而無間扶持厚德徹表裏而俱純之所  
致也但其以大馬末勞冒廟堂之重賞膠陞兼得合父子  
以叨榮逾越良多滿盈是懼而况于青宮保傅之職必歸  
素望隆碩之人如其不才斯名奚稱伏冀相公俯勤教誨  
以益加門牆桃李之培其也勉自圖維以仰答天地生成  
之德右嚴

又

自愧微功誤蒙殊錫恭陳孫避仰望贊成詎意相公取善



無方不遺葑菲之賤持衡既定有如金石之堅弗獲循牆  
益加推轂致廕墜之兩得乃父子以叨榮福薄德崇人微  
寵溢自惟吹噓之厚德愧無可以報稱遙承吐握之高風  
益勉圖夫策勵右徐

代受欽賞謝閣老啟三首

時進白龜董芝

堯德如神既昭格于上下周公為相宜備至夫庶嘉至于  
進猷之誠自是遠臣之職仰叨珍賜寶賴玉成問召和致  
端之原誠謂因人而冒賞抱戴天履地之感豈敢得魚以  
忘筌謹布謝私不勝悚惕右微

又

輔理成化之功章：如是旌徵嘉瑞之物在：而然凡嗣  
歲之獻登皆盛德之感召獨蒙上賞真慚獲肉之言游荷  
深恩益切銘心之報謹陳謝啟無任悚慚

右徐

又

爨調化理召致禎祥而某偶以獻登遂蒙旌賞仰承推轂  
豈敢忘筌感謝之私倍萬恒品

右李

代加封愐謝閣老啟三首

某自奏課以來側身自省閱歲既久積愆頗多幸無過而

錄功復叨舊職矧封先而廕後竊冒曩章獲被殊榮真緣  
借獎君相一德既盟枯而吹生存歿均沾兼結草而頌首  
右嚴

又

幸滿年資虛糜廩祿循常規而奏課獲錫典以垂芳深荷  
曲成益慚倖致榮身及祖一時贈桑梓之光命子與孫奕  
世戴斗山之德右徐

又

年資周匝本襲故常錫典駢繁真叨榮寵自非師相之協

贊昌致主上之俯俞職業仍供廕封兼得其敢不益遵家  
學為承先啟後之圖愈警官箴答聖君賢相之德

右李

代受欽賞謝閣老啟三首

集成事因人無功受賞自惟僥倖倖荷吹噓徒懷犬馬之  
微衷莫報生成之盛德絨盡每止感戀彌增

右嚴

又

偏師協濟僥倖成功盛典追行因循曷賞深惟推轂之德  
徒懷結草之私拜遣絨書益增悚懼

右徐

又

念大江南北之間皆總鎮統臨之地披纓救國職守宜然  
旣旌協濟之微勞實荷曲成之盛德寵榮逾分感懼交懷  
右李

代閩功受賞謝閣老啟三首

屢蹈顛隤素蒙扶植每叨寵錫誤辱吹嘘自惟恩德之高  
深比天地而固極至于感激之情狀豈筆舌所能窮右嚴

又

閩粵微功幣金重錫受之非分愧以因人仰荷知遇之隆  
深賴贊襄之力右徐

又

閩海膚功僅成協濟上方寵錫何意均霑遙知顧問之餘  
深賴曲成之力其為感激實倍等倫 右李

代謝部院啟

竊惟申明職掌期於共濟艱難本無上入之心何暇小嫌  
之避既蒙宸鑒更荷廷評不惟俯聽微言抑且轉榮清秩  
事權既一展布俱便深惟將相之和益著安攘之績

代謝禮部啟

新榮疊至瑣善畢旌顧茲典禮之行咸出秩宗之掌自惟

庸末仰荷贊成越在桴鼓之間莫展瓊瑤之報惟於臨遣  
悚懼靡寧

代受欽賞謝閣老啟二首

鯨鯢馴擾已及二年烽火驛騷復逾旬月幸成席捲之勝  
恭憑廟筭之神賞及封疆之外臣出自廟堂之偉議感深  
刻腎慶已逾涯積荷丘山莫知圖報

右嚴

又

廟筭如神真決勝于千里外臣何幸乃曷賞于九重恭惟  
造就之私恩吳甬履疇之厚德感激之至莫可名言

右徐

代受欽賞謝禮部啟二首

伏念某苟免愆忘獲廁庇庥之列竊叨寵賞復勞典禮之  
裁誠內顧以生慚悵遠懷而增怛報塞無地感奮徒勤言  
念若寒伏冀珍重

又

某仰承高鑒獲庇下枝復借隅言載燿朽質深慚決勝于  
千里何幸曷賞于九重揣微分以奚堪辱深知而滋罪春  
言暮歲彌切遐思自抱鬱陶未敢言喻

代賀兵部楊公啟



出視疆圉入掌樞樞機四方聳觀萬古同慶恭惟某官以  
不世出之資負大有為之望本兵重寄允稱北門之司邊  
鎮暫移坐落西人之膽虛席以待奏凱而還聖明之簡眷  
可知朝野之屬望益重某叨陪下列辱在深知事體相關  
依憑獨切自今伊始譬如使臂之有身邈昔以來本亦同  
舟而共楫其為欣喜實倍等倫職守所拘瞻戀無任

賀少宰鄔公轉大宗伯啟

代

伏審相公夙秉純德有事精禋仰贊聖明永綏福履養賢  
典盛既膺重祿之榮登俊心勤况值深寶之候自銓曹而

典禮計大本以兼銜允宜越對之誠深稱師資之益故於  
匝月被此疊恩真帝眷之方隆兼人心之共嚮其越在遠  
鎮竊慕下風馳菲貢于脩途為蒼生而上賀職守所限瞻  
拜靡由伏冀台慈俯垂鑒納

賀銓部茅公啟

代

側聞明公協贊聖君昭格上帝榮膺加祿旋轉華階顧旬  
月之方周羨恩波於再及總評庶職分任諸曹湛然冰鑑  
之懸允矣山公之啟其喜聞不寐借庇良多謹陳水土之  
宜以為朝望之賀伏祈台鑒俯賜笑茹

賀少宗伯袁公啟

代

伏惟旬月方周榮恩再被既加重祿旋陟左階諒哉虞舜  
之廷允矣伯夷之佐眷登元輔職此為基自惟桴鼓之司  
莫與賓游之後端肅遣賀心神並馳

賀學士嚴公啟

代

伏審玉堂高選望夙著于詞林銓部持衡明並符於氷鑑  
緬惟碩彥允稱華階而况一月未周遂兩膺夫大拜九重  
特晉邁三錫於前聞四海具瞻萬口交慶其辱在知愛倍  
切惟愉少布賀私伏祈鑒納

賀學士董公啟

代

伏惟明公行敦秋實詞爛春華協贊聖君昭事上帝禮卿  
新陟益宜裡祀之脩翰苑仍兼共羨高華之選茂膺天眷  
允懽輿情其越在遐賾實深私喜謹宣薄貢莫罄微忱

代賀大司空歐陽公加少保啟

恭惟明公曠古奇才清朝鉅彥備文武之全德繼申甫之  
遐踪簡在聖明晉登師保夙敷方政久知將命之攸宜迨  
保王躬應識兼官之並濟萬口同慶四海聳觀其屬在外  
僚實深私喜敬因展賀聊見鄙衷伏冀台慈俯賜鑒納

代賀少司空嚴公加二品服啟

伏審課最爰書家聲益振榮膺章服共表簡眷之隆因邈  
華階彌著謙虛之德知殷傾蓋慶切彈冠拜遣瑣儀莫宣  
鄙志

代賀侍講唐公啟

抽毫應制特魁一甲之英定價收名奚啻千金之寶衆區  
仰色翰苑飛聲計宋祖之得齊賢更高科第惟秦王之有  
如晦堪比才猷頃者蘭拔端人輔陪元子而閣下首膺妙  
選昔陟華階惟是脩己治人之方皆其素講預論之學執

此以往如取諸攜深惟根本之先培真屬國家之後福其  
蒙知有日愛助無能猥居棹鼓之司實切彈冠之慶敬陳  
薄具聊展賀私伏冀涵容俯垂存鑒

代賀嚴夫人生日啟

伏聞天生名相以佐中興之運必有賢配以理陰教之宜  
是以采蘋著芳睢鳩喻德典籍所載古今不誣恭惟夫人  
江右望族洽陽嘉祥生膺夢月之符長諧卜鳳之兆執婦  
道于中閨孝不衰于父母而敬不弛于舅姑相夫子于暮  
年位已極于人臣而功已蓋于天下榮膺寵錫疊若星羅

仰挹慈顏掇然風燠龍章鳳詔煥繡拱以函金桂子蘭孫  
暎華階之茁玉清秋令節嘉誕華筵綠醕麟脯訝見麻姑  
盛會朱顏鶴髮儼臨金母瑤臺其幸出夫子之門實有父  
師之道而况投交令子附列通家義共承歡禮宜上壽自  
慚不腆之物真宣未盡之衷伏冀時集麻祥天培令壽琴  
瑟在御與子協偕老之和松柏綠蘿相附挺歲寒之秀

代賀嚴公子陞錦衣衛都指揮啟

家庭著訓知姬子之皆麟文武並隆慶召公之有虎頰自  
禁衛載轉都邦聖明之重世臣豈云喬木祖父而承肖子

奚啻芳蘭其義屬通家心欽濟美謹馳薄物粗展賀松仰  
希垂情特賜鑒納

代賀錦衣朱公啟

緬想熊姿正堪虎衛恭聞簡命殊協輿情遙知巡徼之威  
名應入史官之記籍謹陳菲物莫罄賀松

代妻祖潘公聘劉氏女啟

竊聞士論已知素履之高久謝人群未領青雲之面含飴  
有日見孫髮之漸長纏酒將行恐君心之未允思鄙意無  
良媒轉致幸芳隣與兒輩交游便將不揣之詞仰冀屈從



之意慚雙璧之何在荷千金之慨然事豈人為喜從望外  
思惟尊親家名山作者繼公幹之芳標小兒輩瘴海微官  
乏伯仁之高蹈浮汎異迹出處殊情况君據經守禮會中  
閨有保母之嚴僕度德量才願祖無貽謀之遠欲附風流  
之佳壻諒非竹立之賢孫所願風雲見奮遵引乘龍展幾  
蒲管齊諧攀援舞鳳姓原非耦既蒙采納禮猶從薄均望  
優容

代錢氏答劉氏聘啟

良緣講卜偶將一諾之傳旭旦清明何意十儀之及開函

品列展繒光生物與意隆情隨辭見荷謙虛之無已豈薄  
劣所能當細懷宋有典謨自念唐稱武肅雖彼我之異胄  
實文武之並隆代不乏人盛非難繼牙籤寶冊世隆史館  
之官金馬玉堂亦附翰林之選而况鈎連地脉密邇門閭  
帶懸登水之居環抱西河之里且昔聯姑舅既云惟慎之  
親今締婚姻益喜絲羅之托豈不投膠在漆樹芷於蘭固  
結彌堅香風益遠第恐曾孫弱女慚諧令侄賢郎期於弛  
悅之芳辰幸見傳經之家法過蒙腆禮少效荅私別具寸  
箋伏希海納